



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 413
fax. +387 33 726 414
e – mail: info@voda.ba

Broj: UP-I/25-1-40-126-3/21
Datum: 06.05.2021.

«Agencija za vodno područje rijeke Save» Sarajevo rješavajući po zahtjevu podnesenom od strane Investitora poduzeća „UTD TURIST 98“ d.o.o. Jajce, sa sjedištem u ulici Kulina Bana br.1, općina Jajce, za donošenje Rješenja o prethodnoj vodnoj suglasnosti za aktivnost ispuštanje otpadnih voda sa lokacije ugostiteljskog objekta, koji se planira graditi u području Velikog Plivskog jezera na području općine Jajce, na osnovu člana 139. stav (1), Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98 i 48/99) **d o n o s i**

ZAKLJUČAK

1. Odbacuje se zahtjev podnesen od strane Investitora poduzeća „UTD TURIST 98“ d.o.o. Jajce, sa sjedištem u ulici Kulina Bana br.1, općina Jajce za donošenje Rješenja o prethodnoj vodnoj suglasnosti za aktivnost ispuštanja otpadnih voda sa lokacije ugostiteljskog objekta, koji se planira graditi na zemljištu označenom kao k.č. broj 339/1 i 338 K.O. Pijavice, zk.ul. br.1017., općina Jajce, jer prema odredbama člana člana 139. stav (1) Zakona o vodama nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja suglasnosti i dozvola od strane drugih nadležnih organa, što uključuje i odgovarajući vodni akt kantonalnog ministarstva nadležnog za vode, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene tehnologije proizvodnje čemu će dolaziti do produkcije i ispuštanja tehnoloških otpadnih voda u prirodni recipijent, korisnik objekta dužan je da pribavi vodne akte od nadležnog organa.
4. Sve planirane aktivnosti moraju bit van granica vodnog dobra određenog Elaboratom o određivanju granica vodnog dobra izrađenog od GEODATA d.o.o. Jajce, oznake OGVD-00397-JC-2021 od 3/2021, izuzev aktivnosti propisane članom 12. Zakona o vodama («Službene novine Federacije BiH», broj 70/06).
5. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu, korisnik zaštitnih vodnih objekata nije odgovoran za nastale štete.

Obrazloženje

Investitor poduzeća „UTD TURIST 98“ d.o.o. Jajce je dostavilo zahtjev ovoj Agenciji za donošenje rješenja o prethodnoj vodnoj suglasnosti za aktivnost ispuštanja otpadnih voda sa lokacije ugostiteljskog objekta, koji se planira graditi u području Velikog Plivskog jezera.

Uz zahtjev je dostavljena slijedeća dokumentacija:

- Aktualni izvod iz sudskog registra br. 051-0-RegZ-19-000828 od 20.06.2019.god. izdan od Općinskog suda u Travniku;
- Uvjerenje o poreznoj registraciji od 21.01.2013.god., izdano od Kantonalne porezne uprave iz Novog Travnika;
- Uvjerenje o registraciji/upisu u Jedinstveni registar obveznika neizravnih poreza br. 04/1-17-1UPJR/1-6157-2/13 od 29.07.2013.god.;

- Kopija katastarskog plana od 03.02.2021. godine, K.O. Pijavice, izdan od Općinske geodetske uprave Jajce;
- Kopija zemljišnoknjižnog izvotka, ZK uložak broj: 1017, K.O. SP_Pijavice;
- Elaborat o određivanju granica vodnog dobra izrađenog od GEODATA d.o.o. Jajce, oznake OGVD-00397-JC-2021 od 3/2021;
- Elaborat o zbrinjavanju otpadnih voda, izrađen od ovlaštenog poduzeća „STRUKTURA“ d.o.o. Jajce iz 4/2021.god.;
- Idejni projekt „Uređenja parcele u zoni Velikog Plivskog jezera“ urađen od „DOM PROJEKT“ d.o.o. Travnik iz 2021.god.;
- Uplatnice administrativne takse;

Na osnovu uvida u raspoloživu dokumentaciju je utvrđeno:

Predmetni objekat se planira graditi u području Velikog Plivskog jezera, na zemljištu označenom kao k.č. broj 339/1 i 338 K.O Pijavice, zk.ul. br.1017., općina Jajce. Prostor označen kao vodno dobro se može koristiti samo za aktivnosti definirane članom 12. Zakona o vodama.

Sanitarne fekalne otpadne vode kao i oborinske vode kompleksa prikupljat će se zatvorenim sustavom u bioprečištač BP SBR 30 O/SN.

Otpadne vode nastale u „Grill House“ se odvođe posebnim vodom do separatora masti tipa BP FETEX 1 O/SN.


Kako na predmetnom lokalitetu ne nastaju tehnološke otpadne vode kao rezultat tehnološkog postupka, kao ni oborinske onečišćene vode, te iz naprijed navedenih razloga, a u skladu s odredbama člana 123. i 218. stav (2), a u vezi sa članom 14. Zakona o upravnom postupku te člana 3. stav (1) tačka (cc), a u vezi sa tačkom (s) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama, u skladu sa članom 218. Zakona o upravnom postupku, te je ovaj organ našao da po podnesenom zahtjevu ne postoje uvjeti za donošenje rješenja o prethodnoj vodnoj suglasnosti.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Marko Barić, dipl.ing.građ.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.građ.



Dostaviti:

- „UTD TURIST 98“ d.o.o. Jajce , Kulina Bana br.1, općina Jajce
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava